

# DRIIN... IN CLASSE CUN RISPIET

In aule insegnants e fruts a passin tantis oris de lôr zornade, al è impuartant tignîle in ordin, massime cuant che si è daûr a fâ un lavôr creatif e si doprin cjartis, cole, colôrs e v.i. Al baste pôc par tignî dut a puest e al pues jessi ancje divertent.

E alore imparin insiemi cualchi regule facile par vivi ben in aule!

**1** Une volte finît di lavorâ, tornin a meti a puest ducj i imprescj che o vin doprât. Metinju tai armârs e tai scansei, cussi la volte che e ven ju tornarin a cjatâ cence fature. Se o vin doprât colôrs a tempore, colis, penarei o altris robis che si secjin se lassadis viertis, taponinlis ben par no vè di butâ vie dut.



**2** Cjapin sù dutis lis cjartis e i ritais colâts par tiere o restâts sui bancs e butinju tal bidon di pueste. La cjarte si pues riciclâ, anzit si scuën! Cussi o fasin ancje doi lavôrs in un: si ten in ordin e si fâs ben al ambient!



**3** Netin cuntun peçot umit i bancs se ju vin sporcjâts cui colôrs o la cole, che se di no si ruvinin e nò o riscjin ancje di maglâsi i vistîts.



**4** Metin ducj i nestrîs lavôrs artisticis intun puest sigûr, par che no si ruvinin e no si fruïn.



## E il zûc al è fat!



Cualis podaressino sei lis regulis par compuartâsi ben a ricreazion? O in palestre? O dilunc dal gustâ? Fevele cui mestrîs e i tieis compagns e scriveit lis regulis insiemi suntun biel poster di picjâ in aule.

(gjavât di Tescjplui4, La Scuola Editrice)

## LA FILASTROCJE

### PIMPINELE UNE

Pimpinele une va a cjalâ la lune cjalile ben fin chest an che al ven.



## CE ISAL?



Jo lu ai, tal ai dit, e no tu sâs ce che o ai?

## UNE RIDUÇADE...



La mestre: Jacum, parcè il to teme sul cjan al è compagn di chel di to fradi? Forsit lu âstu copiât?  
Jacum: No, siore mestre. Al è propit il stes cjan!

## AHHH! LA RISPUESTE PAL NUMAR STÂT

### Il spieli



Par prime robe cjol une **coce** biele grande. Fasiti judâ par taiâl e spelâle parcè che a coventin bieis muscui e si à di stâ atents cul curtis!


Lessile a vapôr te atomiche... ti visistu che le vin doprade ancje la setemane passade?

Une volte cuete, la **cjuca** e sarà une vore mole e facile di sfracaiâ. Metile intune fersorie e scjaldile. Zonte la **spongje** taiade a tocuts, il **lat** cjalt, il **sâl**, une piçade di **nole moscjade** e messede ben.



Prime di distudâ il fûc zonte une biele sedon di **formadi vecjo** e messede ancjemò une volte.

Il **negrest** al è pront: saurît, colorât e bon di lecâsi i lavris!



## PIRON È SEDON



### Negrest: il Purè narançon Par golôs vèrs

#### ce che al covente:

- 1 kg di **cjuca**, o ben di coce, za spelade
- 80 gr di **spongje**
- 80 ml di **lat** cjalt
- 1 **sedon** di formadi vecjo gratât
- sâl
- nole moscjade



Il **negrest** al è une tra lis robis plui buinis e plui sveltis che si puedin fâ in cusine... Cun di plui al è un plat misterîôs parcè che lu cognossin pardabon in pôcs. Ma alore di dulâ rivial? Ma di Preon, in Cjargne, dulâ che la **cjuca** si le mangje in mil manieris!

CIRIBIRIBIN e je la pagine di plante fûr in lenghe furlane che e fasarâ compagne ai letôrs plui zovins fintremâi ae fin dal an scolastic. E je un **proget de ARLeF, Agenzie regionâl pe lenghe furlane**, par stiçâ ae leture e ae scritture in lenghe furlane. La redazion e sarà a vuestre disposizion se o vês scrit une conte, un articul, une filastrocje, bessôi o dutun cu la vuestre classe. La direzion e je [arlef@regione.fvg.it](mailto:arlef@regione.fvg.it).

La redazion si riserve di tamesâ i tescj pe publicazion eventual.

**Ideaion e coordenament** di Elisabetta Pozzetto  
**Piron e Sedon** par cure di Federica Angeli  
**Fumuts** di Giovanni di Lena  
**Pe Filastrocje e Ce isal?** a àn colaborât Christian Romanini e Adriano Del Fabro



## Rispiunt come Proust



Non

Gaia

Etât

9. agn

Dulâ sèstu a stâ

Tavagna

Ce ti plasial de tô citât/dal to pais

I vignâielis culinîs

Ce no ti plasial de tô citât/dal to pais

Il cimitieri

Miôr amî o amie

Sofia DeAnna.

Il to difiet

Nost oimâ ferme

Il difiet dai tiei gjenitôrs

Misberlin

La ultime volte che tu âs vaiût

Setemane stade

Lis vacancis plui divertentis

Am alfi

Il colôr che ti plâs di plui

Virole

Il nemâl che ti plâs di plui

Cjan

Ce robe ti avilissie

Un brut vôt ascuele

Ce no ti plasial fâ

Meti apuest la cjamare

Ce ti fasial pôre

Il sarpint

Ce volaressistu fâ di grande/grant

La astronomie

Il libri o film che ti â plasût di plui

Jec e il fasôl majjic

I nons che ti plasin di plui

Emily Anna

Robe di bevi preferide

Cocacola

Robe di mangjâ che ti plâs di plui

Spaghets a tomat

Personaç preferit/preferide

Robin Hood

Il to pipinot

Un gjat di stofe

Par partecipâ ae rubriche lis domandis a van discjamadis dal sît [www.arlef.it](http://www.arlef.it), compiladis a man e inviadis insiemi cuntune foto e la liberatorie firmade dai gjenitôrs a: [arlef@regione.fvg.it](mailto:arlef@regione.fvg.it)  
I fruts che a parteciparan a podaran ritirâ in ARLeF une copie dal dvd cui cartons de "La Pimpa par furlan"

